

წმიდა მოწამე
სპირიტუალური



ქ. ქ.


ტფილისი

სტამბა მ. შარაძისა და ამბნავაძისა, ნიკოლ. № 21.

Типография М. Шарадзе и К., Николаевская ул. № 21

1899

საქართველოს
საგარეო საქმეთა
მინისტროს



Дозволено духовною цензурою. Тифлисъ, 19-го Дека-
бря 1899 гѣда.

საქართველოს
საგარეო საქმეთა
მინისტროს
საგარეო საქმეთა
მინისტროს

წმინდა მოწამე

აბო ტფილელი

პრაბთა ხშირმა თავ-დასხმამა და ხაზართა ურდოების შემოსევამ მე-VII—VIII საუკუნეში სრულიად მოაუძლო-რა საქართველო და ძირი გამოუთხარა მის საეკლესიო და საერო კეთილ-მდგომარეობასა. თითოეულ მოოხრების შემდეგ დიდი ამაგი უნდა გაწეულიყო და დიდი ფული უნდა დახარჯულიყო ხოლმე დანგრეულ ეკლესიათა და მონასტერთა განახლებისათვის და ეს გარემოება მეტის-მეტად ასუსტებდა მეფის ხაზინასა და საეკლესიო კონებასა. საბერძნეთის იმპერატორს და ხალიფა შაბას შორის დადებულ სამშვიდობო ხელ-შეკრულებით ნაზ წელს უმწეო საქართველო ორ თანაბარ ნაწილად იქმნა გაყოფილი; ერთს, სახელდობრ, აღმოსავლეთის ნაწილს დაეპატრონენ არაბნი, ხოლო მეორე, დასავლეთისა ხელში წაიგდეს ბერძნებმა. მაგრამ ამ სამშვიდობოდ დადებულ ხელ-შეკრულებით სრულიადაც არ დამყარდა მშვიდობა გატანჯულს ქვეყანაში. შედეგი ამ მშვიდობისა, რომელიც დაფუძნებული იყო ძლიერის უფლებაზედ, მძიმე ტვირთად დააწვა საქრისტიანო სამეფოს, ქრისტეს ჯვარის მტერთაგან გაწეწილსა და წამებულს. ხოლო უფრო სამწუხარო იყო ბედი აღმოსავლეთის საქართველოსი, რომელიც მსხვერპლი გახდა ფანატიკოსობით გააფთრებულ მოსლემბინებისა, აქ არაბნი ისე იქცეოდნენ, როგორც თავიანთ ნება იყო: არა ჰმა-

ლავდნენ ქრისტეანობის სიძულვილს და უწყალოდ სდევნიდნენ ყოველსავე, რასაც ქრისტეანული რამ ეტყობოდა.

ამ დროს საქართველოს განაგებდა ნერსე, შვილი პდარნასე I-ისა (619—639) კუროპალატისა, რომელიც მტრებმა დაასმინეს სარაციინთა ემირ მუმნი-აბდალას წინაშე. ნერსესი დაიბარეს ბაღდადს და ჩასვეს საპყრობილეში. სამს წელიწადს იყო ასეთს პყრობილებაში და თვით შევიწროებული რას უშველიდა თავის შეწუხებულს სამეფოს?! ამ დროს არაბნი გამძვინვარებით სდევნიდნენ ქრისტეანებს და ქრისტეანობას საქართველოში: ჰელეტდნენ ხალხს, ანგრევდნენ ეკლესიებსა და მონასტრებს და ძალ-მომრეობით ათათრებდნენ ქრისტეანებს. მაშინდელი მემატიანე ასე აგვიწერს საქართველოს მდგომარეობას იმ შავ-უკულმა დროს: „რომელნი ესე ვართ ყურესა ამის ქვეყანისასა სასტიკებისაგან ღ სივერაგისა მანქანებითა მით საცთურისათა ზედა მდგომელთა ამით ჩვენთა მფლობელთა ამის ქამისათა ზაკულებითა მოძღვრებისათა თვით თავით თვისით ჰსჯულის დებითა ქრისტესგან მრავალნი შეაცთუნნეს და გარდასდრიკნეს გზისაგან სიმართლისა და ქეშმარიტებისა ქრისტეს სახარებისა შეაცთუნნეს. რომელნი ხუთას წლისა ქამთა და უწინარესთა სჯულ-დებულ ყოფილ წმიდითა მადლითა ნათლის-ღებისათა მიერიდგან და ვიდრე აქამომდე ნაშობნი ქრისტეანეთანი გარდაგვლარძნეს: რომელნიმე მძლავრებით, რომელნიმე შეტყუვილით, რომელნიმე სიყრმესა შინა უმეცრებით, რომელნიმე მზაკვარებით და სხვანი; რომელ ესე ვართ-ლა მორწმუნენი მოძღვრებასა ქვეშე დამონებულ და ნაკლულეგანებითა და სიგლახაკითა შეკრულნი, ვითარცა რკინითა, ხარკსა ქვეშე მათსა გვემულნი და ქენჯნილნი ძვირ-ძვირად ზღვეულ-

ნი შიშით განილევნიან და ირყევიან, ვითარცა ლერწამნი ქარისაგან ძლიერისა* ¹⁾).

ბერძნები ვერაფრითარს დახმარებას ვერ უწევდნენ ერთ-მორწმუნე ერს, რადგან თვითონაც დასუსტებულნი იყვნენ ხანგრძლივის ბრძოლით რიცხვ-მრავალ სპარსელებთანა და არაბებთან. კაცს ეგონებოდა, რომ ორად განყოფილი სამეფო საქართველოსი ილუპებო. მაგრამ ლეთის განგებას ჰნებავდა, რომ ჯვარი, დადებული საქართველოს ეკლესიის საფუძვლად, გამხდარიყო საზომადაც მისის განძლიერებისა და განმტკიცებისა ქრისტეს სარწმუნოებით და თან შექმნილიყო მის მოწამებრივ გვირგვინადაც. უღრტვინველად ითმენდა წმ. ივერია თვისის ჯვარის სიმძიმეს და მაგალითი მოწამეთა, რომელნიც გმირულად ეწინააღმდეგებოდნენ სარაკინთა ფანატოკოსებს, ამხნევებდა ერს, აღფრთოვანებდა მის სულს და აღვიებდა მის გულში საქრისტეანო სარწმუნოების ცეცხლს. წამებულ საქართველოს საეკლესიო ისტორია შეღებილია წმ. მოწამეთა და ქრისტეს აღმსაარებელთა სისხლითა, იმ ყოვლად ქებულ ზეციურის მოძღვრებით მოსილთა კაცთა და ქრისტესათვის თავ-დადებულთა მებრძოლთა, ყოვლად აღმატებულთა თავიანთ თანამედროვეთა შორის.

მაგალითი და ცხოვრება ბევრად უფრო ძლიერად ჰმოქმედობს ჩვენზედ, ვიდრე სიტყვა რადგან რა არის მართლაცა ცხოვრება წმინდათა, თუ არა გრებილი, მაჩვენებელი კეთილ-მსახურების ღვაწლისა და მით მწვრთნელი ჩვენიც ცხოვრება წმინდათა ძვირფასი სალოაროა, საიდანაც ყველას

¹⁾ იხ. საქართველოს სამოთხე, საბინინისა, გვ. 334.

შეუძლიან ამოიღოს, რაც-კი საჭიროა მის წარმატებისათვის სულიერს ცხოვრებაში, შესაფერად მის ძალ-ღონისა, წლოვანებისა, წოდებისა და შეძლებისა. გაცნობა ამ სულით გმირთა ცხოვრებისა და მათის მოწამეობის ისტორიისა დიდად საინტერესოა თვითოეულის ქვეშაირის ქრისტიანებისათვის. მათი მაღალი ქველობა და სათნოება, მათი მოწამებრივი ღვაწლი ამაგრებდნენ ქრისტიანეთა და ამყარებდნენ მათ შორის კეთილ-მსახურებასა. ღვაწლ-მოსილობა მათი ამალღებს სულს, აღანთებს სარწმუნოებას და ქრისტეს-მიმართ სიყვარულს, აღძრავს კეთილ-მსახურებით აღსავსე მეშურნეობის და წამბაძველობის სურვილს, ამხნეებს აღამიანს, ნუგეშს სცემს, ძალას აძლევს ცხოვრების უკულმართობის ასატანად, ავსებს გონების ქრისტიანობის მაღალისა და დიდებულის მოძღვრების ფიქრითა. ჩვენმა ქვეყანამ იმდენი მაგალითი გვაჩვენა ქრისტიანულის გმირობისა, რომ მაშინდელი მწერალი იოანე საბანისძე ამბობს, „ქართლი მოწამეთა ქვეყანაა და წოდებულ არს დიდად წმიდათა“²⁾.

მაგრამ მოწყალე ღმერთმა უნუგეშოდ არ დასტოვა საქრისტიანო ქვეყანა უბედურებათა და დევნულებათა შორის: ბაღდადის მბრძანებელს ამირა აღმუმენს ჩააგონა მან გაენთავისუფლებინა საპყრობილედამ უდანაშაულოდ ტანჯული წერსე. წერსემ მიიღო ნება-რთვა ქართლის გამგეობისა და წამოვიდა თავის სამშობლო ქვეყანაში. 18 წლის ჰაბუკმა აბომაც, ტომით ისმაიტიელმა, დაანება თავი სამშობლო ქვეყანას, მიატოვა თვისი დედ-მამა და გამოჰყვა წერსეს. აბო სცხოვრობდა საქართველოში მის გამგებლის კარზედა, ტრიალობდა ქრისტიანეთა შორის, სწავლობდა ქართულს და უფიქრ-

²⁾ იხ. საქართველ. სამოთ. საბინისა, გვ. 347.

დებოდა ქრისტეს სარწმუნოებას. აბომ თვისის კეთილის ხანათებითა და პატიოსნებით დიდი სიყვარული დაიშაბურა ერისა. ბავშვებიდანვე, ჯერ ისევ თავის სამშობლო ქვეყანაში, აბოს ხელობად ჰქონდა ნელ-საცხებელთა და კეთილსუნელოვან მირვნის შეზავება და ახლა ხომ თვით ეღირსა ქეშმარიტის მირვნის ცხებასა ქრისტეს სარწმუნოების მეოხებით. აბო დარწმუნდა, რომ ქრისტეს სარწმუნოება ქეშმარიტი სარწმუნოებააო, გულითა და სულით შეიყვარა ქრისტე, მაგრამ ვერ ჰბედავდა მონათელასა, რადგან ეშინოდა ტფილისში დამკვიდრებულ არაბებისა. ამასობაში კვლავ შემოესია ამირა საქართველოს, კვლავ ჩავარდა ნერსე განსაცდელში. ნერსემ მიატოვა უმწყო ქართლი და გაიხიზნა დარაალის გზით ხაზარეთში, საცა მკვიდრობდნენ ძენი მაგოვისა, რომელთა შორის სცხოვრობდნენ ქრისტეანენიც; ნერსესს თან ახლდა აბოცა და სამასი ქრისტეანე მხედარი. აქ, თავის ახალ სამშობლოს გარეშე, აბო უშიშრად ჰგრძნობდა თავს და ამიტომ მოინათლა იქაურ მღვდლის ხელით. ხაზარეთიდან ნერსე თვისის განუშორებლის მხლებლებით აფხაზეთს გაემართა აფხაზეთში, რომლის მკვიდრთა კეთილ-მსახურება და წმინდა ცხოვრება აკვირვებდა ყველას, უფრო შეემსქვალა ქრისტეანობას ახლად ნათელ-ღებული აბო. განვიდა უდაბნოდ და სამი თვე განატარა ლოცვითა, მარხვითა ჭ მღუმარებითა. მხოლოდ ბრწყინვალე აღდგომა დღეს აღახვნა ენა ღვთის საღიდებლად და სალაღადებლად. უფალი რომლის სიყვარული ასე ცეცხლებრ აღენტო ახალგაზდა ღვაწლ-მოსილის გულში, ბრწყინვალე გვირგვინს უმზადებდა აბოს.

ამირამ მოოხრებულისა და აკლებულის ქართლის სამეფოს გამგებლად დაჰნიშნა სტეფანოზი, ძე გურგენისა, ძმისწული ნერსესი. ახალმა გამგებელმა სთხოვა თავის ბიძას ტფილისს დაბრუნებულიყო. აფხაზეთის ქრისტეანენი ეხვეწებოდნენ კეთილ-მორწმუნე აბოს, დარჩი ჩვენ შორისაო. «ტფილისი, მთლად ქართლი და კახეთი ხელთ უკირავთ სარაციანებსაო, ეუბნებოდნენ აბოს. გაიგებენ ისინი შენს შთამომავლობას და ყოველის ღონისძიებით ეცდებიან კვლავ მიგაღებინონ მაჰმადიანობა და საქმე ცხოვნებისა, რომელიც შენ დაიწყე ასე სასიქადულოდ, ჩაიფუშება.» გარნა აბო არ შეუშინდა განსაცდელსა და გამოჰყვა თავის კეთილის-მყოფსა ღმფარველსა. ნერსესთან ერთად მოვიდა აბო ტფილისში და თვისის მაგალითითა და ქცევით ამხნევებდა ქართველ ქრისტეანებსა, ჰგმობდა თვისთა თანამემამულეთა ბიწიერს ცხოვრებასა და სარწმუნოებას და უქადაგებდა ქრისტეს ყოვლადმხსნელ მოძღვრებასა. მისმა გულ-მოდგინებამა ქრისტეანობაში, მაღალმა სათნოებამ და დიდად ღვაწლ-მოსილმა ანგელოზებრ უზაკველმა ცხოვრებამ აღძრა სიძულვილი აბოს მიმართ მის თანამემამულეთა შორის: ზოგნი ამტყუნებდნენ მას მამა-პაპის სჯულის ღალატისათვის, ზოგნი სწყევლიდნენ და იკლებდნენ ლანძღვითა, ზოგნი კიდევ სიკვდილს ემუქრებოდნენ. მაგრამ ვერც ცთუნებით, ვერც მუქარით ველარ შეარყიეს წმ. აბო და ვერ ააღებინეს ხელი ქრისტეს სარწმუნოების სიყვარულზედა. არაბთა უფროსმა, მტერთა დასმენით, შეიპყრო აბო, მაგრამ ქართლის გამგებლის სტეფანოზის დახმარებით, იგი განთავისუფლებულ იქმნა.

მაჰმადიანები მაინც თავისას არ იშლიდნენ და ურჩევდნენ აბოს უარ-ყყო ქრისტე, დაჰბრუნდებოდა თავის მამა-პაპათა

სარწმუნოებას. თვით ამირამ მიუწოდა აბოს და სცდილობდა ჩაეგონებინა უარ-ყოფა ქრისტესი და ხელ-ახლად მიღება იმ სარწმუნოებისა, რომელშიაც იყო დაბადებული, მაგრამ აბო თავის მხრით ამირას ურჩევდა, შენ დასტოვე შენი ცთომილება და იგემე სიტკბოება ქრისტეს სარწმუნოებისა ნათლისღების შემწეობითაო. ბოლოს, რაკი აბოს მტერნი დარწმუნდნენ, რა მტკიცედ იდგა აბო ქრისტეს სარწმუნოებაზედ და რა სიძულვილით იხსენიებდა მაჰმადის ცრუ-მოდღვრებას, კვლავ შეიპყრეს, დაადეს ბორკილები და ისე ჩაადეს საპყრობილეში. მაგრამ აქაც, ბორკილებ-დადებული, აბო არა სცხრებოდა და სწყევლიდა მაჰმადიანთა სარწმუნოებას. აბომ იცოდა, რომ მტერნი აღარ დაინდობდნენ მით უმეტეს, რომ ხმა გავრცელდა მის თანამემამულეთა შორის, რომ აბომ თავის ქადაგებით ბევრი მაჰმადიანი გადაიბირა და მიაქცია ქრისტიანობადაო. ამას გარდა ეუწყა კიდევ ზეცით, რომ მოახლოვდა დღე შენის აღსრულებისაო და ამიტომ იწყო მზადება მოწამებრივის სიკვდილის მისაღებად. აბომ გაჰყიდა თავისი ზედა-ჩასაცმელი ტანისამოსი და ამ ფულით იყიდა სანთელ-საკმელი, რომელიც გაუგზავნა მართლ-მადიდებელ ეკლესიების მღვდლებს და სთხოვა, ილოცეთ ჩემთვის უფლისა მიმართ; ხოლო თვით ემზადებოდა მოწამებრივის გვირგვინის მისაღებად და ლოცულობდა გათენებამდე.

აბომ მიიღო წმ. საიდუმლო ზედ ნათლილება დღესა, იცხო თავზედ ზეთი და წარმოსთქვა: „ახლა მზადა ვარ“. მოვიდნენ ამ დროს მხედარნი და აბო წაიყვანეს საპყრობილედამ იმ აზრით, რომ ამირას შეუშლიელის გარდაწყვეტილების ძალით, დაესაჯათ სიკვდილით. არაბებმა გაიყვანეს ქალაქ გარედ აღმსარებელი ღვთისა და 40 მოწამეთა ეკლესიის გა-

ლავანში³⁾ შეუხსნეს ბორკილები. აბო სიხარულით დაემხო მუხლებზედ, გადაიჯვარედინა ხელები, დაიხარა კისერი და წარმოსთქვა გულს-ჩამწვდენი სიტყვები ჯვარზედ გაკრულის ნეტარი ავაზაკ „მომიხსენე, მე უფალო, სასუფეველსა შენსა“. სამჯერ დაჰკრეს ხმალი ყუითა, იქნება შეშინდეს და შეინანოს თავისი საქციელი, ხოლო მეოთხე დაკვრახედ მოკვეთეს თავი⁴⁾. და ჯალათებმა, იმ აზრით, რომ ქრისტეანენი არ დაეპატრონენ ამის წმ. ნეშტსაო, სთხოვეს, ამირას ნება მოგვეცი დაეწვათ აბოს გვამიო. აიღეს ნება, გადაახეს ჯერ ნავთი და მერე დასწვეს⁵⁾ მცეტების ხიდს ახლოს⁶⁾; ხოლო რაც ძელები საჩქაროზედ ვერ დაიწვა და აგრედვე ფერფლი მოაგროვეს და გადაჰყარეს მტკვარში⁷⁾. ამ სახით,

³⁾ ეს ტაძარი დააქცია შაჰ-აბაზ I-მა. იგი იყო მეტოქი ივერიის კარისა მღვთის-მშობლის მონასტრისა.

⁴⁾ ამ ადგილს ეწოდებოდა „სადილეგი“. დილეგი-საჰყრობილეა. ამ ადგილას ახლა დუქან-ბაზარია გამართული.

⁵⁾ ადგილს, სადაც დასწვეს წმ. აბო, ეწოდებოდა, „საგოდებელი“, ესე იგი ადგილი ვლოვისა და ცრემლისაო. ძველის-ძველთაგანვე ტფილისის ქრისტეანეთა აქა ჰქონდათ თავიანთი სასაფლაო.

⁶⁾ ეს ის ხიდია, რომელიც სპარსელთ მეჩითის ახლოს არის და დღესაც ეწოდება „ხიდი მოწამეთა“.

⁷⁾ ზოგიერთნი ძვალნი წმ. აბოს სხეულისა გადაარჩა დაწვას, ამბობს აღმწერი მისის ცხოვრებისა, წყლიდან ამოიღეს იგინი და დაჰკრძალეს იმ ადგილას, სადაც მოწამებრივ განუტევა სული ნეტარმა, აქედამ მერე, როგორც ამბობს ვახუშტი, ნეშტი წმ. გადატანილ იქმნა გორის მაზრაში, სოფ არბოს, საცა მათ დაკრძალვის ადგილას აშენებულა ეკლესია წმ. აბოს სახელობაზედაო. იხ. გეოგრ. აღწ. საქართვ. ვახუშტისა, გვ. 250, 1 ხოლ. მაგრამ ეს აზრი ჩვენის ისტორიკოსისა და გეოგრაფოსისა დამყარებულია მარტო ოდენ იმ მგზავსობაზედ, რომელიც არსებობ

მტკვრის ზვირთები გარდაიქცა წამებულის დამწვარ ძვალთა შესამოსად, ხოლო სიღრმე მდინარისა — საფლავად, ანუ, როგორც ამბობს იოანე საბანისისძე — „იქმნა წყალი იგი მდინარისაი მის წმიდათა მათ ძვალთა სამოსელ გარე შეხვევითა მით და სიღრმე იგი წყალთაი საფლავ წმიდისა მის მარტვილისა“. ეს ამბავი მოხდა 790 წ., 7 იანვარს^{*)}. იმავე დღესვე, ღამით, ღმერთმა განაბრწყინა თვისი მოწამე: ზედ იმ ადგილას, საცა დასწევს წმ. აბო, გამოჩნდა მალლა ცაში მეტად ბრწყინვალე ვარსკვლავი, რომელმაც გააშუქა მთლად ტფილისი; ხოლო მეორე დღეს მეტეხის ხიდ-ქვემოდამ ამოდიოდა ცეცხლის სვეტი, იდგამტკვარზედ და აშუქებდა მიდამოს. ამ საკვირველ-მოქმედებამ გააოცა ტფილისის მცხოვრებნი და თითოეული მათგანი მიისწრაფოდა იმ ადგილას, საცა წამებულ იქმნა ერთგული მონა ქრისტესი; თვით ადგილმა, რომელიც შეიღება მოწამებრივის სისხლით, მიიღო ძალი კურნებისა^{*)}.

ისტორია წმ. აბოს ცხოვრებისა და წამებისა, სავსებით დაცული ჩვენს დრომდე წმიდათა მოღვაწეობის აღწერათა შორის, ცხადად ჰხატავს ზნეობრივს სახეს ამ წამებულისას

მოწამეს სახელს აბოსა და სოფელ არბოს შორის. არბოს შესახებ უნდა შევნიშნოთ, რომ სიტყვა არბობა ჰნიშნავს ბაზრობას და მაშასადამე სოფლის სახელწოდება არ არის წარმომდგარი მოწამის აბოს სახელისაგანა. თვით არბოს ეკლესია აბოს სახელობაზედ კი არ არის აშენებული, არამედ წმ. მთავარ მოწამისა და ძლევამოსილის გიორგის სახელობაზედ.

*) სხვათა მოწმობით, წმ. აბო იქმნა წამებული 786 წელს. ქართველთა საეკლ.-საარქეოლ. მუზეი № 176; ბროსეს აზრით, აბო აწამეს 6 იანვარს (786 წელს) (*Hist. de la geor. t. I, p. 136 n. 1*).

*) იხ. სვანური მანუსკრიპტი საეკლ. საარქ. მუზეი სიონის ტაძართან, № 19 და მისივე ვარიანტი IX—X საუკ. იქვე № 95.

და ამიტომ ამ ისტორიას განსაკუთრებული სამოძღვრებო ღ საგულისხმიერო მნიშვნელობა აქვს ¹⁰).

ტფილისის კეთილ-მსახურმა მცხოვრებლებმა აღმართეს პირველად ჯვარი წმ. აბოს წამების აღგილას, ხოლო შემდეგ ააგეს ნიშიცა. საქართველოს ეკლესიამ აბოს მოწამებრივის აღსრულების შემდეგ დააწესა დღესასწაული მისი 7 იანვარს, მის წამების დღესა. ამ დღეს დღესასწაულობდნენ საქართველოში 1750 წლამდე და სწორედ ამ რიცხვ ქვეშაა აღნიშნული ხსენება წმ. აბოსი ეამნში, რომელიც დაბეჭდილია ტფილისის მეფე ვახტანგ VI სჯულ-მდებლის დროს (1710 წ.) კათალიკოსმა ანტონი I-მა 8 იანვარს გადაიტანა ეს დღესასწაული და მას შემდეგ ეს დღეა დადებული ჩვენში წმ. აბოს საღმრთაწაულოდ ¹¹). კანონსა და სტიქარონებს, რომელიც შედგენილია მის სადიდებლად კათალიკოზ არსენისა, ბესარიონისა და ანტონ I-ის მიერ, და რომელიც დაბეჭდილია ღვთის-მსახურების წიგნებში, დღემდე ჰგალობს საქართველოს ეკლესია. ჩვენამდე მოაღწია ძველმა სტიქარონებმაცა და კანონებმა წმ. აბოსათვის დაკულმა მიქელ-მოდრეკილის დიდს ეტრატის ხელ-ნაწერში ¹²).

¹⁰) იხილე წმ. მოწამე აბო ტფილელი მე-IX საუკ. მანუსკრიპტიდან დაბეჭდილი და სხვა ხელთნაწერთან შედარებული. აქვე ბოლოში მოთავსებულია სავედრებული გალობა. გამოცემა საქართველოს სავგზარ-ხოსოს საეკლესიო მუზეუმისა № 3, 1899 წ.

¹¹). იხ. Житіе Св. муч. Або Тифлісскій. Полное житіе св. гр. церкви, Сабинина, ч. I., стр. 166—178; О праздн. установл. Груз. Прав. церк., Пърцеладзе. ст. 120—125; Груз. и Армєнія, Муравьева, ч. 3. стр. 30—35; საქ. სამოთხე, საბინინისა, გვ. 333—350.

¹²) წერა-კითხ. გამავრ. სახ. ბიბლ. № 425.

აღწერა წმ. აბოს ცხოვრებისა შედგენილია სამოელ კათალიკოზის ბრძანებითა და კურთხევითა. მისი შემდგენელი იოანე საბანისძე სცხოვრობდა აბოს წამების დროს და, როგორც თანამედროვემ, საკმაოდ დაწერილებით აღწერა წამება აბოსი. ეს აღწერა ოთხ ნაწილად არის გაყოფილი. პირველშია მოთხრობილი ამბავი ქრისტეს ეკლესიის გმირთა წამებისა და აგრეთვე ამბავი წმიდათა მოღვაწეობისა; მეორეში—ისტორი აბოს მოსელისა ქართლს; მესამეში—წამება წმ. აბოსი და მეოთხეში ქება აბოსი.

ბენერალმა ა. პ. ერმოლოვმა ჰბრძანა 1825 წელს განახლება წმ. აბოს წამების ადგილას¹⁾ ნიშისა და წამებულის ხატის დასვენება იმ ნიშში. გრაფმა პასკევიჩ-ერენელმა განამშვენიერებინა იგი ნიში, ხოლო 1848 წელს სენატორმა ს. ე. საფონოვმა დაასვენა წმიდანის ხატი და გააყეთებინა შუშის კარი კლდეში, მეტეხის კლდის ძირში, საიდანაც გადაჰყარეს მტკვარში ნეშტი წმიდანისა. ეს იმიტომ მოიქმედა საფონოვმა, რომ შეთქმული ჰქონდა, რადგან განიკურნა წმიდანის მეოხებით. ნიში შემდეგ დაძველდა. 1882 წელს მ. პ. საბინინმა დაჰხატა ახალი ხატი წმ. მოწამის აბო ტფილელისა და დიდის გამოჩინებითა და ლიტანიით დაასვენეს ნიშში, რომელიც იმავე მ. პ. საბინინის გულ-მოდგინებით გამშვენიერებულ იქმნა. ამ ეამად ეგ ნიში მიწერილი აქვს ფერისცვალების (დარიის) მონასტერს.

ასეთი იყო ცხოვრება, ღვაწლი და მოწამებრივი სიკვდილი აბო ტფილელისა. დიდად სამწუხაროა, რომ იმ ადგილას,

¹⁾ წესი მღვდელ-მსახურებისა წმ. აბოს დღეობას, რხ. ხელ ნაწერი საქ. საეკლ. მუხეში, № 170, გვ. 304—320.

საუა იწამა წმ. აბო, რომელიც დღეს შვენებაა და დიდება ტფილასისა, დღემდე ეკლესია არ არის აგებული ღ სახელი ამ ყოვლად-ქებულისა და ჩვენის ქალაქის მუდმივ მფარველ-პატრონისა, ასე ნაკლებად ცნობილი დღევანდელ მისთა მცხოვრებთა შორის, არც-კი იხსენება ჩამოლოცვანად აქაურს მართ მადიდებელს ეკლესიებში. დავიწყება, მართალია, ხვედრია კაცობრიობისა, გარნა ტფილელებს ახლა მაინც უნდა დაემოწმებინათ ნივთიერად და საუკუნოდ გყოთ მოწიწება თვისი წმ მოწამის ხსოვნისადმი მის სახელზედ ეკლესიის აგებით იქ, სადაც მოწამებრივ აღესრულა ახოვანი იგი. ამით ტფილისელნი იმ მხოლოდ და მხოლოდ შესაძლებელსა და სამართლიანს საყვედურს აიცილებენ, რომ ასე დაუნახავნი არიან წმიდანის ღვაწლისა და გულგრილნი იმ დიდებულის წმიდა მოწამისა მიმართ, რომელმაც სიკოცხლე თვისი დასდო ქრისტესა და მის წმიდა ეკლესიისათვის.

✱, კეთილ-მოღვაწეო აბო, ოხითა შენითა და ყოვლად მბურვალთა ლოცვითა იყავნ მცველ და მფარველ ჩვენ ყოველთა ქრისტე ღმრთისა დიდებულისა ტახტის წინაშე და ამისათვის მიიღე ჩვენგან მკირედი ესე გალობა: გიხაროდენ კლდეო მტკიცეო შემშუსრველო ქრისტეს მტერთა ბოროტებისა განზრახვისაო; გიხაროდენ ქრისტეს სარწმუნოებისა სათნოებითა შემკულო; გიხაროდენ ივერიის ეკლესიის სიქადულო; გიხაროდენ ქართველთა ერისა დიდო განმამტკიცებელო; გიხაროდენ ღვაწლითა და მარტვილობითა შენითა მრავალთა შორის ქრისტეს მიმართ სამღთოისა შურისა აღმპყრელო; გიხაროდენ დამთრგუნველო ქრისტეს მოძულე აგარიანთა გულ-ზვაობისაო; გიხაროდენ სხივ-ცისკროვანო მნათობო, აღმომხდარო ქალაქსა ტფილისს; გიხაროდენ

ქრისტეს მტერთა მწვალებლობისა შემარცხენელი; გიხაროდენ უძლეველო გოდოლო და ივერთა სამეფოსა ზღუდეო; გიხაროდენ კეთილთა მიმნიკებელი შენდა მვედრებელთაო გიხაროდენ სულისა ჩემისა მეოხო; გიხაროდენ სხეულისა ჩემისა შევნებაო; გიხაროდენ წმ. მოწამეო აბო, მორწმუნეთა ვედრებისა მსწრაფლ შემსმენელი.

✠: იანვარს წმ. აბოა ტფილისის წამებულისა.

ოახითა ხმა Ἦ, Ἦ გიხაროდენ გამორჩეული.

მალლისა მიერ ლტითისა მამისა ღ ძისა მხოლოდ შობილისა მიერ წოდებულო; სულისა წმიდისა განბრწყინებულო, ზეცას უხორცოთა გუნდსა თანა შეერთებულო; მოწამეთა და მართალთა შორის ქებულო; ეკლესიათა შტენირო სამკაულო, მარტვილთა სიქადულო, მეფეთა სიხარულო, მორწმუნეთა შემწეო, ახოვანო მოღვაწეო აბო ღმერთსა ევედრე აწ. მონიკებად სულთა ჩვენთა დღეს დიდი წყალობაჲ.

საქართველოს კათოლიკოს-პატრიარქ კირიონ II-ის გარდაცვალების 80 წლისთავთან დაკავშირებით საქართველოს პარლამენტის ეროვნული ბიბლიოთეკამ ფონდ „ქართული ბიბლიოთეკის“ ხელშეწყობით ხელმეორედ გამოსცა კირიონ II-ის გასულ საუკუნეში გამოქვეყნებული შემდეგი ნაშრომები

1. წმიდა დავით III აღმაშენებელი, მეფე ქართველთა (1089-1125)
2. ამბავი დავით გარეჯის უდაბნოს საკვირველ-მოქმედის მადლის ქვისა
3. ცხოვრება და მოქალაქეობა ღირსისა მამისა ანტონ შესვეტისა, საკვირველთ-მოქმედისა მარტყოფელისა
4. წმიდა მოწამე აბო ტფილელი




1



2



3



4

© 1988, საქართველოს პარლამენტის ეროვნული ბიბლიოთეკა

გამომცემლობა „ნაკარი“